

16. september 2004

UKA 2004/26

Inatsisissatut siunnersuummut oqaaseqaatit

Oqaaseqaatit nalinginnaasut

Siunnersuutip tunuliaqutaa:

Qamutit motorillit Kalaallit Nunaanni aqqusinikkut angallannermut inatsit naapertorlugu nalunaarsorneqartussaasut Landskarsimut akileraarummik akiliisussaapput. Inatsisinik atortitsinermut Ministeriaqarfiup Kalaallit Nunaanni aqqusinikkut angallannermut inatsimmi periarfissaq atorlugu Kalaallit Nunaata avannaani kangianilu (Qaanaap kommuniani aamma Ittoqqortoormiit kommuniani) qamutit motorillit nalunaarsorneqartussaaajunnaarsissimavai.

Kalaallit Nunaanni Politimesteqarfiup 2003-mi septemberimi aalajangerpaa savaateqarfinni tuttuuteqarfinnilu qamutit motorillit nalunaarsorneqassasut, taassumalu kingunerivaa qamutit motorillit taakkua, qamutit motorillit akileraarutaat pillugit Inatsisartut inatsisaanni maleruagassat naapertorlugit Landskarsimut akileraarummik ingerlaannaq akiliisussanngortinneqarnissaat.

Siunnersuutip imarisaa:

Qamutit motorillit savaateqarfinni tuttuuteqarfinnilu illoqarfiit nunaqarfiillu avataanni inissisimasuni atorneqartartut Landskarsimut akileraarummik akiliisussanngortinneqarnissaat Naalakkersuisut naapertuuttuosorinngilaat. Taamaattumik qamutit motorillit taakkua, akileraarummik akiliisussaaajunnaarsinneqarnissaasa inatsimmi ilanngunneqarnissaa siunnersuutigineqarpoq.

Ilanngullugu erseqqissaatigineqassaaq bussit akileraarummik akiliisussaataaangitsutut taamaallaat bussit ingerlaarnissamut siumut aalajangeriikkat malillugit ingerlaartartut pineqarmata.

Aningaasatigut sunniutissai:

Qamutit motorilinnut akiliinnginnissamik akuersissuteqarsinnaaneq, qamutit motorillit akileraarutaannut maannamut akiliisussaasimannngitsunut atorneqartussatut naatsorsuussaammat, siunnersuutip Landskarsip isertitassatigut ukiumut missangersuusiormimmi 2005-imut 43 mio. kr.-iusunit annaasaqarnissaanik kinguneqarnaviannngilaq. Ukiumi aningaasanut inatsiseqarfirmi 2005-mi taassumalu kinguneratigut ukiuni tulluuttuni annaasaqaatigisassat naatsorsuutigineqarput 120.000 kr.-iniit 150.000 kr.-t tunngaannut annertussuseqarsinnaassasut. Akileraarummut akiliutaasimasinnaasunik § 2, imm. 2 naapertorlugu utertitsisoqarsinnaanera naatsorsuutigineqannngilaq 20.000 kr.-inik annertussuseqarnerunissaat.

Allaffissornermut sunniutissai:

Siunnersuutigineqartoq allaffissornermut sunniuteqarnaviangilaq.

Tusarniaaneq:

Inatsisissatut siunnersuut makkununga tusarniaassutigineqarnikuvoq: Ineqarnermut Attaveqarnermullu Pisorta qarfik, Aalisarnermut Piniarnermullu Pisorta qarfik, Inuussutissarsiornermut Nunalerinermit Suliffeqarnermullu Pisorta qarfik, Allatto qarfik, Aningaasaqarnermut Pisorta qarfik, KANUKOKA, KNAPK, Savaatillit Peqatigiit Suleqatigiissut. Tusarniaavigineqartuni Savaatillit Peqatigiit Suleqatigiissut saniatigut allat siunnersuummut akissutiminni immikkut ittunik oqaaseqaateqarsimanngillat. Savaatillit Peqatigiit Suleqatigiissut nalunaaruteqarput, sillimmaniarneq eqqarsaatigalugu nummerpladenik ikkussuinermit pilersuineq naammagisimaarlugu, taamatullu savaatillit qamutinut motoorilinnut akileraaruserneqannginnissamut periarfissinneqarnerat iluarisimaarlugu.

Inatsisissatut siunnersuummi aalajangersakkanut ataasiakkaanut oqaaseqaatit

§ 1, nr. 1-imut

Inatsisissamut siunnersuummi oqaatsit atukkat Kalaallit Nunaanni aqqusinikkut angallannermit inatsimmi aalajangersaalluni oqaasertaliussanut naapertuupput. Qamutit motoorillit, Kalaallit Nunaanni aqqusinikkut angallannermit inatsit naapertorlugu nalunaarsorneqartussaannngitsut, qamutit motoorillit akileraarutaannut ilaatinneqanngillat.

Qamutit motoorillit ikuallattoornermi aamma annaassiniarnermi ingerlassissutit imaluunniit ambulancit, taakkua ima ilusiligaappata aammalu siunertaminnut taakkunungarpiaq taamaallaat ator neqarpata. Siunnersuutigineqarpoq qamutit motoorillit ikuallattoornermi aamma annaassiniarnermi ingerlassissutit tamarluinnarmik akileraarummut akiliuteqannginnissamut ilaatinneqassasut, taakkua piginnittui apeqquteqaatinnagit.

Qamutit motoorillit akileraarummik akiliuteqannginnissaannut aalajangersakkami, naalagaaffinni takornartani maani aallartitaat imaluunniit konsuleqarfinni atorfillit il.il. atassuteqartuusut, Wien-imi naalagaaffiit isumaqatigiissutaanni maleruagassanut naapertuupput.

Siunnersuutigineqarpoq qamutit motorillit akileraarutaannut akiuliteqannginnissamik akuersissutigineqartut aammattaq qamutit motorillit savaatillit tuttuutilillu sulinerannut ator neqartartut, savaateqarfiit tuttuuteqarfiillu illoqarfiit nunaqarfiillu avataanni inissisimasut sumiiffinnilu taakkunani qamutit

motorillit arlaqanngitsuinnaat pigineqarpata akileraaruteqartussaannngitsunut ilanngunneqassasut.

Savaateqarfik tuttuuteqarfilluunniit illoqarfiup nunaqarfiulluunniit avataaniittutut isigineqassaaq ingerlatsiviup illoqarfiup nunaqarfiulluunniit killeqarfiata avataani inissisimappat, soorlumi kommunini ataasiakkaani pilersaarutit assigalugit taakku inissisimappata.

Piffinni ingerlatsiviusuni qamutitik motorilinnik arlaqanngitsuinnarnik peqarfittut isigineqarneranut aalajangiiniartilluni aallaavigineqassaaq qamutitik motorilinnik qassinik piffinni ataasiakkaani nalunaarsorneqarsimanersoq, taakkulu aqquserngitigut uani ilanngullugit assakaasut illerngi aqutigalugit ingerlatsivimmiit ingerlatsivinnut allanut atassuteqartuunersut. Illoqarfiit nunaqarfiillu piffinnut ataasiakkaanut naatsorsuutigineqassanngillat.

Ingerlatsiviup isorartussutsimigut angissusia apequtaatillugu qamutit motorillit 15-it ataallugit amerlassuseqarpata arlaqanngitsuinnarnik peqarfiusut naatsorsuunneqassaaq.

Innarluutilinnut qamutit motoorillit paasineqassapput, qamutit motoorillit piginnittuusup/atuisuusup timimigut innarluuteqarnerata immikkut ittumik qamutip sananeqaammigut ilusiligaasimanissaat. Akileraarummik akiliuteqanngitsitsiumalluni aalajangiisoqassagaluarpat, aalajangiilersigani qinnuteqartup angerlarsimaffittut kommunerisaani kommunalbestyrelsemut oqaaseqaammik piniartoqaqqaassaaq.

Qamutit motoorillit illerfinnik assartuutit paasineqassapput, qamutit motoorillit immikkut ittumik sananeqaammikkut ilusiligaasimanissaat taamaasillutik toqusimasunik ilisoqalersillugu assartuutit il.il. atugassiaassallutik taamaallaallu taama assartuutit atugassiaassallutik. Aalajangiilersigani qinnuteqartup angerlarsimaffittut kommunerisaani kommunalbestyrelsemut oqaaseqaammik piniartoqaqqaassaaq.

Erseqqissaatigineqassaaq qamutitik motoorillinnik bussinik ingerlassineq paasineqassaaq, akiliuteqarnikkut ingerlassatut aalajangikkat taamaasillutik aquttoq ilanngullugu inunnik imminnut attuumassuteqanngitsunik qulingiluanik assartuutit ingerlaartartut pineqarmata, aammalu pisortatigoortumik ingerlaarnissamat siumut aalajangeriikkat malillugit ingerlaartartut pineqarmata. Bussinik ingerlassinerup pisortatigoortumik ingerlaarnissamat siumut aalajangeriikkat malillugit ingerlaartartut, saniatigut inuiaqatigiinni ataasiakkaatigut attartortillugit ingerlassineqaraangat akiliuteqannginnissamat mattussissanngilaq.

Aalajangiilersigani qinnuteqartup angerlarsimaffittut kommunerisaani kommunalbestyrelsemut oqaaseqaammik piniartoqaqqaassaaq.

Akileraartarnermi Pisortaqrarfiup qamutit motoorillit akileraarutaannik akiliuteqannginnissamik akuersissutilinnut nakkutilliisinnaanera, ilaatigullu akileraarummut akiliuteqannginnissamat piumasaqaataasut kinguneratigut

malinneqarnersut qulakkeerumallugu, pisorta qarfiup politiinit qamutit motorillit piginnittuunik allannguuteqartoqartillugu nalunaarfigineqarnermikkut pisassaaq, taamaasilluni qamutit motorillit siusinnerusukkut akileraarummik akiliuteqannginnissamik akuersissutigineqarsimasut, qamutinik motorilinnik piginnittunngortumut nutaamut akileraarut akilersinniarneqassammat.

§ 2, nr. 1-imut

Siunnersuutaavoq inatsit 1. januar 2005-miit atuutilissasoq.

§ 2, nr. 2-imut

Qamutit motorillit savaatillit tuttuutillillu pigisaannik politiit 1. april 2004-imiit aallartiffeqartumik nalunaarsuilersimanerat peqqutigalugu siunnersuutigineqarportaaq, ukiup affaanut, piffissami 2004-mi 1. aprilimiit 31. decemberimut tunngasumi, qamutinik motorilinnik piginnittut § 1, imm. 2, nr. 4 naapertorlugu akileraarummik akiliuteqannginnissamik akuersissutillinnut, piffissami tassani akiliutigineqarsimasunik utertitsisoqassasoq.